

| | | | |
|---|--|--------------------------------|------------------------------------|
| <code><?xml version="1.0" ?></code> | | | |
| <code><?xml-stylesheet type="text/css" href="home.css"?></code> | | | |
| <code><Doc id="bod-w-media-</code> | <code>BD00019</code> | <code>"</code> | <code>lang="Bodo"></code> |
| <code><Header type="text"></code> | | | |
| <code><encodingDesc></code> | | | |
| <code><projectDesc></code> | CIIL-Bodo Corpora, Monolingual Written Text | | <code></projectDesc></code> |
| <code><samplingDesc></code> | Simple written text only has been transcribed. Diagrams, pictures, tables and verses have been omitted. Samples taken from page 16-17, 30-31, 44-45, 60-61, 76-77, 92-93, 104-105, 120-121, 136-137, 154-155. | | <code></samplingDesc></code> |
| <code></encodingDesc></code> | | | |
| <code><sourceDesc></code> | | | |
| <code><biblStruct></code> | | | |
| <code><source></code> | | | |
| | <code><category></code> | Aesthetics | <code></category></code> |
| | <code><subcategory></code> | Literature-Plays | <code></subcategory></code> |
| | <code><text></code> | Book | <code></text></code> |
| | <code><title></code> | jAikhlaM | <code></title></code> |
| | <code><vol></code> | | <code></vol></code> |
| | <code><issue></code> | | <code></issue></code> |
| <code></source></code> | | | |
| <code><textDes></code> | | | |
| | <code><type></code> | | <code></type></code> |
| | <code><headline></code> | | <code></headline></code> |
| | <code><author></code> | nAIEba | <code></author></code> |
| | <code><words></code> | 2089 | <code></words></code> |
| <code></textDes></code> | | | |
| <code><imprint></code> | | | |
| | <code><pubPlace></code> | India-Kokrajhar | <code></pubPlace></code> |
| | <code><publisher></code> | baDa' pAblikEsana barDa | <code></publisher></code> |
| | <code><pubDate></code> | 1993 | <code></pubDate></code> |
| <code></imprint></code> | | | |
| <code><idno type="CIIL code"></code> | | | <code></idno></code> |
| <code><index></code> | | BD00019 | <code></index></code> |
| <code></biblStruct></code> | | | |
| <code></sourceDesc></code> | | | |
| <code><profileDesc></code> | | | |
| <code><creation></code> | | | |
| | <code><date></code> | 09-Jan-2006 | <code></date></code> |
| | <code><inputter></code> | Tumpa Dattagupta | <code></inputter></code> |
| | <code><proof></code> | Bridul Basumatary | <code></proof></code> |
| <code></creation></code> | | | |
| <code><langUsage></code> | Bodo | | <code></langUsage></code> |
| <code><wsdUsage></code> | | | |
| <code><writingSystem id="ISO/IEC 10646">Universal Multiple-Octet Coded Character Set (UCS). </writingSystem></code> | | | |
| <code></wsdUsage></code> | | | |
| <code><textClass></code> | | | |
| <code><channel mode="w"></code> | print | | <code></channel></code> |
| <code><domain type="public"></code> | | | <code></domain></code> |
| <code></textClass></code> | | | |

</profileDesc>

</Header>

<text><body>

| | | |
|-----|--|------|
| <p> | बियो पेन्सिलजों टेबिलआव सौनो हमबाय ; सौलु सौनायाव बियो बिखौ नायाखैमोन। हर्खाबै बिहा मोनसे साग्लोबसार बानाय सोमजि दोंमोन। बेफोर गासैखौबो नागारनानै पुचियानि खाथियाव थांनायानो मोजांसिन जायाना ? सौलु सौनो गुबुन सोरखौबा थिन्नो हागौ—नाथाय गासैबो जिलाफ्रा थाफादेर जोबनाय, बे गरिलाफोरनि सोमोन्दै एसे नडा एसे बाथ्रा दिहुन्नो बियो नाजादोंमोन । गाहायाव थानायफोरनि सायाव बिनि फोथायनाया बाडाय। बेनि अनगायैबो बिसोरो गुबुन सासे राव दानस्लायनानै फोरमायग्रानि सायावसो लामा नाइनांगौ, ओजोंहाय बि दानस्लायग्राहाबो राव गियानआ एसेल' आरो एसेबां सोलो गोरबो नडा। अफिसारआ गावनो-गाहायै मौथै राव—इउक्रेनियान आरो रासियान रावखौ मोजाडै रोंगौ। बे ओन्सोलाव गोनांथार माखासे खामानिफोरनि थाखाय बिखौ फोरोंनाय जादोंमोन। दावहानि समावबो बे रावफ्रा मोजाडै खामानियाव फैबाय आरो बेफोरखौ सोलोंनायाव बेसेबां सम नांदोंमोन, बेफोरो फैमाल थाडाखिसै। | </p> |
| <p> | “ बिदिब्ला बुंनायसाय, बिसोरो गाहायखौ “कार्लि” बुंडाना। नाथाय बेयो मुं सोरासो। आसोल मुडा मा ? | </p> |
| <p> | आरोबाव सिरि। बियो इन्जावखौ थाबावनो हायैबादि नुनो मोनबाय। बिनि नाथांस्त्रियाव, खाफालाव आरो गुष्टिनि सेरफ्राव थ'फा थ'फा गोलोमोदैं ओंखारदोंमोन। खुगानि फार्ने थिंनिबो गोथौ हांखोफ्रा आरो गोदोलांसिनदोंमोन, बिनि फाफिलफ्रा ओलैसायै गोलैनानै थाबाय। | </p> |
| <p> | “ नों बाथ्र बुंगोन ना बुडा ?” | </p> |
| <p> | हर्खाबै बियो गावखौनो मेंनाय मोनबाय। उह ! गासिबो एंगारलां जोबनानै जेन' नयावसो थांनोसै । बियो पुसियानि बाथ्रा सान्नो हमबाय-दासिम बियो सिखारबायदा बि ! ना बि गासै सुज'गखौ लानानै बियो लेपनि सिडाव एब्र'फिनबाय ? | </p> |
| <p> | उलनि टुपीखौ अब्ला खुनानै, खोमा सेराव खानायखौ जोथोनै हुस्लिमनानै दोन्दोंमोन। बिनि खेरानि अन्थाय लागायनाय मनिनि खलाब-खिलब जौनायखौ हिन्जाउनि जौग्लिनाय मेगनफ्रा नुबाय | </p> |

| | | |
|-----|---|------|
| | <p>आरो बेखौ बियो नाइबाइथाबाय। मनिया मोदाननानै अ'र सालाय जौखो-नायबादि जादोंमोन। आरो खोमसिया साग्लोबबावबाय। बिखौ साग्लोबनाय गोसोम दैथुननि गेजेरजों बै जोंनाय सोरांनि रोदाफ्राल' साथिबाय । अ'लेनानि मोदोमा देमग्बाबलांबाय। आखाय थायनैखौ ह'मथुमनानै बियो गाउखौ गोथों खालामफिनबाय। नडा, नडा,, बियो माब्लाबाबो गोलैनो हाया। अफिसारनि हिन्जावनि सिगाडाव बियो गोलैनो हाया । गावनि देहाखौ फान्नानै बियो बै जार्मानीनि एमनि लोगो जाबाय। खोमोन गोनांसि गान्नानै खलाब खलीब जोंनाय खेरा गान्नानै बियो बहाय ज'नानै जेरै जार्मान अफिसारआ साजा होनाय गोर्बोबती हिन्जावखौ नाइगासिनो दड'—जेनो बेयो बिनि थाखाय गोसो बाउनाहोनाय मोनसे नुथाय।</p> | |
| <p> | <p>पुसियानि गुष्टिनि मिनिखैरेनायखौ आखिनानै दोन्नायबादि नुयो। नाथाय बिबो अ'लेनानि बाथ्राखौ सानाखै एबा बिसोरनि सोंनाय फिन्नायखौ खोमा होयाखै। बियो आरामाव दड'मोन; बियो कार्टनि सेराव जनानै दड' बे बाथ्राखौनो दुगायै सान्नो ह'मो। बिनोल'दि बहाय हासिंडै हाबबोनो हागौ आरो गोसोबादि आँखारलांफिन्नो हागौ—बे बाथ्राखौ सान्नानै बिनि गोसोआव रंजाखांबाय। गुबुनफोरखौ फाइ ख्रीफ्रा लोगो लालायनानै बेंनानै लाबोयो आरो बेनि उनाव माब्लाबाबो फैफिन्नो हायैबादि माबेबा सिनायनो हायै जायगायाव लानानै थाडो। जाय कार्टखौ बयबो गियो, बे कार्टआ बिनि—बिनिलन'नो ! बियो गोसो बादियै दान्डिसेयैनो आजार गोनां, दान्डिसेयैनो गोजोनग्लायनाय दिन्थिनो हागौ आरो कार्टआ अब्ला बिखौ मोर्रा फिसा होन्नानै बुडो आरो गावजों ट्रैसदेनआव लांफानो होन्नानै बुंगोन ।</p> | </p> |
| <p> | <p>कार्टआ बुंबाय—“नों सासे बिमा”—अ'लेनाहा खर' गिदिंखां दोंमोन ; बे बाथ्राखौ खोनानानै जेनो जीउखौ रैखा मोनबाय।</p> | </p> |
| <p> | <p>बिसोरो गारमा गाउलायनाय हसिखाउनानै बुंबाय— “आइ लोक्षीसारा ! थु ” बिसोरबादि हसिखाउनो गोसो जादोंमोन, बे नडा हरखौ बिसोरो गिदोंमोन ; मोनसे गिखांनाया साग्लोबदोंमोन। बिखा माउखांहोनाय गिनायखो गोमोरहोनो आरो सोमोनांनायनिफ्राय बारग'नो थाखायसो बिसोरो हस्राइहछि खालामदोंमोन ; बि गिख्रंहरनि समाव हस्राउ हसिनि गेजेरजों गोसोखौ गिनायनिफ्राय</p> | </p> |

| | | |
|-----|--|------|
| | बारगहोनो नाजाबाय। होमव्ला साननिबादि पहर । गोजो अ'खाफोरनि पहरआ जेरैथिबो गोसारबाय, बिसोरो माब्लाबाबो नुफेरै सारी सारी गाबफ्रा खलाब-खिलंब जोंखांबाय। अ'खाफोरनि पहरजों नीला बरफफ्रा मोदानखांबाय। | |
| <p> | बिसोरजों गसिनजानाय बरफफ्रा सेम-सेम सोदोब होनानै बायबाय ; बिब्दि बरफनि अ'खानि सोमोन्दै बिसोरहा बेनो सिगां गियान ! सिगाडावबो बिसोरो हालोतखौ मोनफेराखैमोन। लामानि सेरनि न'फ्रा खोमसी आरो जेरावबो मानसि-दुमसि सासेबो नुनो मोना ; लामाथिं माखां जानाने थानाय माखासे न'साफ्राल' मेगनाव गोलैयो। खिरखी फ्राव बरफआ लाथा खानानै जीउ गोनां जीउनि मेगन बादि जादोंमोन। मेगना सुम्बकजों बोखथाबजानायबादि खाली न'फोरनि खोमसी सायाफोरनि गेजेरावल' थाडो ! अ'खाफोर ओंखारामोनब्ला खोमसि हराव जार्मानफ्रा एसेबो ओंखारनो गोहो मोनामोन। बिसोरो मिथिगौदि मोनफ्रामबो ख'नायाव, मोनफ्रोमबो जाउथुमा हाग्रा सिडाव बिसोरनि 'थैनाय'आ नेनानै दड'। बे थैनाय सारअन्थाय गावनायबादि गोख्रै । | </p> |
| <p> | एसेबां गोख्रैदि बिसोरखौ मेगन मोख्रबेनोबो सम होया। दिनै बे मेगनाव मोदानलायनाय सोरांआव थाखोमानो एबा हान्थु ख'रायनानै मानबायनोनो मोजां राहा गैया ; होमब्लाबो बिसोरनि गोसो सिंआ सुगोमालांदोंमोन। हर्खाबै बिसोरो जेरैथिंबो नायबाय, मोसा-गाल् गाबनि सायाव माबाफोर दड'खोमा सान्नानै नाइखंख्रेनो हमबाय आरो बेनि उनाव गोसोआव गोहो बुथुमनो थाखाय इख्राउनो हमबाय। बरफ आ बिसोरनि खावलायाव सुफिनो ; गुष्टियाव बरफनि जालामा गोलैयो ; बिसोर थाबनो , हुस गैयैबादि खोमा हुस्लिमो, बरफआव गाहु गाहु थाबायो बे गामीनि लामायाव लंथं हिन्जावखौ बेबादि—खनसे सिगां थिं खनसे उनिथिं—बोनानै लाडो । | </p> |
| <p> | फिसा गुरै रावजों जिनाया वुंबाय- “नंगौ, दा बिनि मेगनाव हा हाबलिया ।” | </p> |
| <p> | बिमाया वुंबाय- “जिना, मुथासे हा ला। नोंदानि मोदोमाव सारनानै हो ।” | </p> |
| <p> | जिनाया हान्थु खेराइनानै हा मुथासे लाबाय आरो खोबनायनि | </p> |

| | | |
|-----|---|------|
| | सिनि सायाव सारनानै होबाय। सासायाबो होबाय। बेनि उनाव बिमाया कदालजों हा फबबाय, गुफुर सिखौ नुवा जाजासे बियो हा होबाय थाबाय ; उनाव बिनि सायाव मोनसे फिसा लुन्दाव जाबाय। हिन्जावआ दुंबाय, “जों दानिया गासोनांसिगोन। नडाब्ला हमजागोन। बिसोरो फैनानै बिखौ जाउखानानै लानानै थांगोन ।” | |
| <p> | गोथै हाखरनि सायाव गाखोनानै साथामबो गासोनो हमबाय। मेलियाचिखाया आगानफा आगानफानै जेरैथिंबो गुबुनाय हाफोरखौ लासै लासै गासोनानै होबाय। लोगो लोगो बियो—माब्रै गासोबो नेमनि उल्टायै, बियो गावनिनो फिसाज्लानि गोथै हाखर सायाव गासोदों ! माब्लाबाबो रावबो मावफेरै हाबाखौ मावदों ! फिसाज्लानि रुइदोब खर'याव, थैजों जाहाबनाय बिखानि सायाव फिसा, उन्दै आथिं आखायनि सायाव गासोदो ! | </p> |
| <p> | गावनि सान्नायनि फिन्नाय हिसाबै बियो फुटि होनानै बुंबाय, “जों हाबाखौ मावथारनांगोन ।” आरो उन्दै जिनाया रिंखानायबादि फिन होबाय—“जों थारैनो मावथारनांगोन ।” | </p> |
| <p> | सासाया सौंबाय, “जाबायना ?” | </p> |
| <p> | “नडा, हाया दाबो गुरै जानानै दड'। दाबो ह'मनो हायो। गासो, समान जाथारागौमानि गासो।” | </p> |
| <p> | बियो जोथोनै आद्रा थानाय हाफारखौ बुथुमबाय आरो न'नि सिडाव लांनानै जेरैथिंबो सारसिना हैबाय। गाथै हाखरनि जेबो नेर्सोन थाबैबादि बियो मोसा गाल गाबनि सिंखौ सिब्बाय आरो जेरैथिंबो दंफां खोब्दों, जिगाबफोरखौ गारदालानानै होबाय। औरैनोब्ला मान सिनि मोसागालगाबनि सिडा जि महराव थायो बिब्दिनो जाबाय। | </p> |
| <p> | जिनाया हर्खाबै हसिर्राउनानै गाबनो हम'बाय। | </p> |
| <p> | “ नौंहा माथो जाखो। ” | </p> |
| <p> | “ जिना, सिरि था, दागाब ” बिमाया रागार्जों बुंबाय। जेभड-किमाआ खर' खुरनो ह'मबाय। | </p> |
| <p> | “ इनायनो बरफनि बारहुंखा बारथारदों। गासिबो गौजौ गाहाय जाजोबथारबाय न'फोरखौ मावग्लुहोजोबथारबाय। हार्सिडै हार्सिडै ज'नानै थानो गाज्जि मोनथारदों.... नंखायनो न' खाथियाव न'फा न'नै हाबनानै सान्दां। ” | </p> |
| <p> | मेलियासिखाया हांमा सुरनानै.... “ आबौ ! “ जों दाआरो न'सुं | </p> |

| | | |
|-----|--|------|
| | जानानै गैलिया ... ” | |
| <p> | लाउथिनि सायाव आखाय थायनैखौ दोन्नानै बेनि सायाव ख'खाब होनानै बियो हिन्जावनिथिं गल' नाइबाय। “ माबा मोनसे जादों, नडाना ? बिब्दि बारहुंखायाव मिस्काया बहा गिदिंहेदों ? | </p> |
| <p> | “ आबौ, मिस्काया थांबाय...।” | </p> |
| <p> | “ थांबाय माने मा ? बहा थांखो ?” | </p> |
| <p> | जेराबबो थाडाखै थांनाय हराव जार्मानआ मिस्काखौ गावथारबाय ” | </p> |
| <p> | बोरायनि गोमोन खानायनि खर'या मावखांनो ह'मबाय। “ मिस्काखौगा....उ....थार....बाय ? बियो मा बुंदों बेफोरखौलाय ? ” | </p> |
| <p> | बियो आखाय थाइनैखौ हुकन'रै हुकन'रै आसिफोरखौ सेफायनो हमबाय। | </p> |
| <p> | “आं बुंनि आबौ, खोनासं ; बियो अ'लेनानो होन्नानै रुटि लानानै मोसा गालगाबनि खाथियाव थांदोंमोन। बहायनो जार्मानफ्रा बिखौ गाउथारदों। | </p> |
| <p> | बिनि गोसोआवदि मोनसे सौंलु जाखांदोंमोन बे बाथ्राखौ बिनि उखुन्दै खुनायबादि मेगना फोरमायबाय। हिन्जावया बुजिबाय आरो बेखौ नुनानै बुंबावबाय-“नडा, आं बिखौ जार्माननि आखायाव गारबोयाखै। बिखौ जाम्फैनिफ्राय बोखांनानै दिखांनानै लानानै फेदों आरो आंनि बिखुयाव लानानै न'मोनहोफेदों। ...बिखौ जों फबनानै दोनबाय। दा बिखौ रावबो नागिरनानै मोनलिया।” | </p> |
| <p> | गसंनानै हिन्जावया बुंबाय- “मोजां बाथ्रा। थु-सिडाव । ” | </p> |
| <p> | ग्रखेसनि उन्दै फिसाजोआ खिरखी सेराव ज'नानै दड'मोन, मेलियासिखाया बिखौ मेगन खं'नाजों नाइह'रबाय। “ आं नौंखौ हार्सिडै लोगो ह'मनो लुबैदोंमोन। ” | </p> |
| <p> | गोमोनानै ग्रखेसिखाया बुंबाय- “हार्सिडै ? मानि थाखायथो, दे बिदिब्ला। लाइडा, नौं बाइहायाव थां ; दंफांखौ हाखावहै। जों बहाय एसे बाथ्रा राइज्जलायनि। ” | </p> |
| <p> | हिन्जावसाया दाखिनि सुजावनो नागिरनाय ग'स्लाखौ थ'न्नानै दोनबाय। दख'रसे गोरा सियाव बेजिखौ सुथाबनानै बियो लासैयै क'टानिफ्राय ओंखारलांबाय। गाबैनो बिनि मेगन थाइनैया बुल'ब | </p> |

| | | |
|-----|--|------|
| | लब जादोंमोन। | |
| <p> | मेंलियाचिखाया गंसे बेन्सआब ज'बाय ; गोनो-गोथो जानानै बियो आसिफोरखौ सिफायनो ह'मबाय। ओजोंहाय न'बिगुमा हिन्जावया जेबो बाथ्रा बुडाजासेनो बिखौ ग'ल नाइबाइ थाबाय। | </p> |
| <p> | उनाव बियो बुंबाय- “बाइहायाव जोबोत अन्थायनि बारहुंखा ।” | </p> |
| <p> | सानैबो सिरि जाफिनबाय। | </p> |
| <p> | बिसिनानि हरैजाय गंसे गाजोलाब ग्रखेसनि गस्लाखौ आलाइ नानै दोन्दोंमान। मेलियासिखाया गस्लाखौ नाइबाय। बिनि मोनसेया जिनाय आरो बहाबा बहाबा गोबां दाखिनि सुदेरनाय। मोनसे गुदामा खुन्दु'डव नांथानानै दिन्दां यानानै दड'मोन। बेयो बिनि खामानि माउग्रा गास्ला। | </p> |
| <p> | “ नौ मा बुंनो नागिरदोंमोन ? ” | </p> |
| <p> | मेलियासिखाया बिनिथि गोसा बायनाय मेगनजों नाइबाय। बेनि उनाव सिरि सिरि बुंबाय- “ बिसोरो नोंसिनि न'ख'रनि मानसिखौ हमनानै लाखिबाय....। ” | </p> |
| <p> | बिहा रागा जोंखांबाय। | </p> |
| <p> | खाजानाय लोगोफ्रा जि बाथ्राखौ सान्दों बे बाथ्राखौ बियो सानाखैमोन। लोर-सोर गैयाजासे, हां सोलायाजासे, मेगन मोख्रेबाजासे बियो मोनसे गोसोजोंनो खोनासंबाय थाबाय। खाथिनि कोटानिफ्राय फैनाय रेडा थेडा बाथ्राफोरनि सोदोबथि नागिरनो एबा हरैहाय गामीनि गेजेराव मानि सोदोब जाखो बेखौ खोनासंनो बियो नाजायाखैमोन। मेगन मोसेर खालामनानै बियो गावनि देहानि सिडाव माबा मोनसे सोदोब खोनासंनो ह'मबाय। सप्ताहसे जालांबाय—नडा, आरो बेनि बांसिन—जि सान जालांबाय। अब्लाबो जेबो जायाखिसै। दुखु गोसोजों बियो ब खौफोदनि बाथ्राखौनो सानबाय थबाय। नंगौना नडा ? नंगौना नडा ? बियो खरोखौ गिलित गिलित मोनबाय ; बिखाया माय सौनायबादि सौनो ह'मबाय। बियो औरैबादि मोनदोंमोनदि मोदोमनि रोदाजों जेन' थैया बोहैग्लायगासिनो दड' ; बिनि रोदाफोरजों थांनानै गासिबो देहा बाहागोफ्राव थैफ्रा टपा-टपि खेंव्रा-खेंव्री बोहैदालानायबादि मोनबाय। आखाइ थारफा सेराव सोरबा जेन' हाथुराजों सो देनानै होदों। बियो माब्रै मिथिनो ? माब्रै थारखना होन्नो हाबावनो ! | </p> |

| | | |
|-----|--|------|
| <p> | <p>बियो आरोबाव सानफोरखौ सानबावनो ह'मबाय, बिहा गोरोन्थि जादोडानो लायखोमा। नाथाय खनले खलने जि सानानो जाहैयो। आरो जानायनि जाहोनबो दड...मानोना...आसोलाव जि सानानो जाबाय। बे जि साननि सायावनो बिनि सान्नाया थाद'नानै थायाखिसै, बेयो आरो गोजान थांबावबाय जाय साना बिनि जीउखौ दानसनानै सनै खालामबाय, बै सानसिम, बियो सानफा, फावसयनानै सानलांबाय ! बिनि सान्नाया थाडै थाडै बै सानखौ मोनहैनायाव बियो देहायाव साजानाय बादि मोनबाय, गोसोनि खामग्लिनाया सहायनो हाथावयै जाबाय। आखाइ थारफायाव आसृगुरफ्रा गोदोबासे बियो आखाइ मोजोमबाय ; हान्थुफोरखौ बिखानि खाथिताराव बोख्रबोबाय। बेबादि गबथबथब जथोमनाय देहानि सिडाव बियो हाराखौ सिनथायनो बाइग्लि जोबनाय मोन्दोंमोन। बियो जेन' दान्डिसेबो सहायबावनो हालिया ; हाग्रानि जुनातबादि बियो जेन' हसिख्राउनोसै ।</p> | </p> |
| <p> | <p>हादोनआ जोंखांफिनगोन आरो फिथायै बिबारै समायफिन्नानै धोनजों बुंफ'बगोन।</p> | </p> |
| <p> | <p>नाथाय मालासाहा जि सोलायबाय, बेयो अरायनि थाखाय थालांगोन ; बिबादि खाफाल गोरान नागारजानाय सासेनि थाखाय गासिबो लामायानो गोथेनाय। बिनाव बिखा सिंखाउनानै गावनोगाव मोनसे खेंखायनाय ओंखारबाय</p> | </p> |
| <p> | <p>सेकरिखाया सोंबाय- “ मालासा, नों उन्दुयाखै नामा ? ”</p> | </p> |
| <p> | <p>मालासाया बाग्दाउखांबाय। हिन्जावनि सोंनायाखौ बियो गोसो गैयै बादि मोनबाय। नंखायनो बिहा रागा जोंना ओंखारबाय। गासो गैयाब्ला, बाथा दा राइज्लाइ ! भाउथिना गेलेयो मानो ?</p> | </p> |
| <p> | <p>बियो बाबांसिन बुंबाय- “उन्जुवाख । नोंहालाय माथो जाखो !”</p> | </p> |
| <p> | <p>“सोंदोंसो आं । ”</p> | </p> |
| <p> | <p>“ सोंनांगौ गोनां गैया। आंनि थाखाय एसेबां उसु-खुतु जैनो नाडा । ”</p> | </p> |
| <p> | <p>“ मानोथो रागा जोंखो ? जों बयहाबो रोखोमसे हालोत। ” मिनिनो बाबांसिन मिनिनानै मालासाया बुंबाय- “बयहाबो रोखोमसे हालोत ? नडा, आंहा गुबुन। ”</p> | </p> |
| <p> | <p>“ बैयो मोनसे खाफाल गाज्जि... ”</p> | </p> |

| | | |
|-----|---|------|
| <p> | <p>“नोडो खाफाल गाज्जिनि सोमोन्दै गोबां बाथा मिथिगौनो ? बिनि गोसोआ गोख्रोडै जांख्री खांदोंमोन आरो बेखौनो बियो सोरनिबा सायाव ह’गारसारनो नाजादोंमोन—“नोडो गाव थिक थाजासिम सिरि सिरि ज’नानै थानायानो गाहाम। नडाब्ला ग्रखेसनि हंखंत नायखौनो खोनासंबाय थानो हागौ ”</p> | </p> |
| <p> | <p>सेकुरिखानि गस्लाखौ बोनानै अलगाया बुंबाय—“बिजों बाथा दा राइज्जलाय बियो जोबोत थिउरीया।”</p> | </p> |
| <p> | <p>बाथाया मालासनि खोमायाव हाबैबाय।</p> | </p> |
| <p> | <p>“थार बाथा। नोंसोरहा मानो आंजों बाथा राइज्जलायनो नांदों ?</p> | </p> |
| <p> | <p>आं थिउरीया, गाहायनि बयबो बे बाथाखौ मिथिगौ। नोंनि बाथायावसो बेरे मोदैं दैहाबो नडा होम्बा ? ”</p> | </p> |
| <p> | <p>बिसोरो हाथाय अरहैनानै नाइबाय थाबाय आरो गावजों गाव माबा माबि बुंजलाइबाय थाबाय। बियोदि लंथं जानानै जिगाबनि सायाव गोग्लैनानै दड, सिनायनो हायै लाजिरोडै मेगनफ्रा बिखौ नाइगासिनो दड’ आरो बिनि बाथा लानानै बिसोरो राइज्जलाइखोमादों, बेफोरखौ बियो नोजोर होवाखैमोन। बियो दा गथ’ जोनोम होबाय ; बेनो जार्माना खुंनाय बुहमनिफ्राय बिखौ गोजानाव लांदोंमोन, बिसोरनि लाजिरोडै मेगन नोजोरनिफ्राय बिखौ दोनखोमादोंमोन आरो बिसोरनि सादोबथि गैयै मिनिनायनिफ्राय बिखौ रैखा खालामदोंमोन। बिसोरो बिखौ गथ’ सारिनो बाथा हनाय बाइदि नुनो मोनबाय, मानोना बिसोरो हाबबोयाला थनो दरखं मोखाडाव नेबाइ थाबाय।</p> | </p> |
| <p> | <p>बियो बांसिन हस्रावनो ह’मबाय। खाथि-खालानि हिन्जाबफ्रा गाव गावनि बिखायाव ‘क्रस’ हांखो बानानै बरफनि बारहुंखानि गेजेराव नाइखोमाहरनो ह’मबाय ; बयनिबो मेगनाव समखिनायजों बुंफबनाय ; अ’लेना कष्टियाकआ हासिडै लांदां न’सायाव गथ’ सारिदोंमोन ; एसेबो हेफाजाब गैया, ओजोंहाय गोजांनाय। बिसोरो सान्दोंमोन— बियो माल्बाबानो थैबाय माल्बाबानो बरफनि गेजेराव बियो जोबसांबाय, बिनि गोबोर्नि गब’या बेसेबांबा आवगायावनो थबाय। नाथाय बियो दा गथ’ सारिदों ; खाथियाव रावबो गैया, दै थोबसे होग्रा गैया ; बिनि गोरान गुष्टिफोरखौ फिसिनानै होनो एबा खर’ सिडाव गान्दु गांसे होनो रावबो गैया। बिखौ हेफाजाब होनो</p> | </p> |

| | | |
|-----|--|------|
| | <p>रावबो हिन्जाव गैया। लंथं जानानै बरफनि गेजेराव न'सानि सिडाव लांदां हायाव बियो जि बाइदियै गथ' सारिदों बेबाइदियै गामीयाव माब्लाबाबो रावबो गथ' सारियाखै। हिन्जावफ्रा बिखायाव 'क्रुस हांखौ बोनानै, गुष्टि अरथाबनानै गसंनानै दडमोन ; बिसोरो खोमायाव आखाय फांथेबाय ; नाथाय लुबैखांनायनि बोलाआ बाराइलाडो आरो खोनासँनो बिसोरो आरो बाव गोनां जायो। बियो आरो हसिखावबावनोसै नामा ? बेलाइथो बियो हसिखावबावबाय, दानिया बांसिन, खोमा ताल मारिलायबाय। माब्रै बे मँग्लिनाय, बाइग्लिनाय आरो लाजिथाव देहानिफ्राय बिब्दि हसिनाय आँखारनो हाबावखौ ?</p> | |
| <p> | <p>बिनो बिखौ थैनायनि मोखाडाव स'रसोम ह'रबाय। रिभलभारनि हासुडा माब्रै लासै लासै गाहायथिं फाहायबोयामोन बेखौ बियो गावनि मेगनजोंनो नुजोबदोंमोन ; नाथाय जाय बाथ्राया रिभलभारखौ बोखारगौमोन, बेखो बियो बुडाखिसै ।</p> | </p> |
| <p> | <p>“नडा स'ना, आं बुंनो हाया।”—बियो फुथियाहां फुथियाहां रावोजों बुंबाय, जेन' थैनाय गथ'या बिनि बाथ्राखौ खोनागोनसो।</p> | </p> |
| <p> | <p>बियो नाइफथिंबाय ; फाइखीया गथ'खौ फिथें-फिथां, मुगैनायजों खर'खौ दिन्दां खालामनानै लानानै थांनाय नुनो मोनबाय। अलेनाया बामनानै लानो नाजाबाय। फाइखीया दान्दिसे होहां होयाहां जादोंमोन। उनाव गोथै गथ'खौ बिमानो होनो गावनो थिक खालामबाय। बियो बिखौ लानानै थांनो इनायनो गोब्राब मोन्दोंमोन। देहाखौ बियो बिखायाव बेजबनानै लाबाय। अब्लाबो बिनि मोदोमा गुदुडैनो दड' ; अब्लासिमबो आथिं-आखायफ्रा राखें जायाखै। मोखाडाव बै मुगै सुगै दागोया गैयामोनब्ला मानसिफ्रा दाबो बिखौ उन्दलांदों होन्नानैसो सानगौमोन।</p> | </p> |
| <p> | <p>माबेवहाय लांदों बेखौ मिथिया जासेनो अलेनाया फाइखी सानैजों लोगोसे थांफागासिनो थाबाय। हुकुमखौ जार्मान रावजों होदोंमोन। बेनिखायनो अलेनाया जेबो बुजियाखै। बियो मिथिदोंल'मोन, बेनो जोबथा। नाथाय बे सान्नाया बिखौ उसु-खुथु खालामाखैमोन। फिसाज्ला थैनायनि लोगो लोगो बिहा गासैबो जोबसां जोब्बाय।</p> | </p> |
| <p> | <p>बरफनि फिसा गुनद्राफ्रा बारजों बिरबोबाय। बरफ लाथा खाथनाय खिरखीफोरथिं अलेनाया नाइह'रबाय। रावखौबो नुयाखिसै।</p> | </p> |

| | | |
|-----|---|------|
| | हार्सिडैल'नो बियो गावनि जोबथा लामार्जो थैनायनिथिं सिगांलांबाय थाबाय। राउबो दरखं मोखांजो नाइहराखै। जेरावबो राबखौबो नुनो मोना। नफ्रा श्रिं-श्र'। बहाबा बहाबि जार्मानफ्रा माबा माबि खालामगासिनो दड' ; नाथाय खाजानायनिथिं बिसोरो नोजोर होयाखै । | |
| <p> | राइफलजो सौजानानै बियो लिं--लिं लामार्थिं ओंखारलांबाय। बियो एसे गोमोबाय ; नाथाय नारलांनाय थिंजायनो थानो ह'मबाय। गीर्जानि मोखाडाव थानाय लांदां जायगासिम गावखौ लांदो होन्नानै बियो सानबाय। | </p> |

</body></text>

</Doc>